

KEHENTERIAN KEWANGAN,
KEMENTERIAN MALAYSIA
JALAN DUTA,
KUALA LUMPUR.

Telefon: 946000, 940011, 94011.
Telegram: TREASURY
Tele: PERINTAN 2, 3, 4, 5

Ruj. Kami: O.9910/3/(144)
Ruj. Tuan:
Tarikh: 9hb. Mac 1985

Ketua-Ketua Setiausaha Kerajaan.

Setiausaha-Setiausaha Kerajaan Negeri.

Ketua-Ketua Jabatan Persekutuan dan Negeri.

Ketua Eksekutif Badan-Badan Berkanun Persekutuan dan Negeri.

Ketua Eksekutif Kuasa-Kuasa Tempatan.

Ketua Eksekutif Perbadanan-Perbadanan Awam Persekutuan dan Negeri.

Tuan,

PEKELILING PERBENDAHARAAN BIL. 5 TAHUN 1985

Larangan Membeli Kereta-Kereta Impot.

Kerajaan sekarang sedang melancarkan kempen menggunakan barang-barang tempatan bagi menggalakkan rakyat menggunakan barang-barang buatan tempatan. Sesuai dengan amalan Kepimpinan Melalui Teladan, maka wajarlah bagi Kerajaan dan agensi-agensi Kerajaan mendahului rakyat menggunakan barang-barang buatan tempatan atau dipasang di dalam negeri ini.

Sejajar dengan kempen menggalakkan penggunaan barang-barang tempatan ini, Kerajaan telah mengambil keputusan untuk melarang pembelian kereta yang diimpot dalam bentuk CBU sebagai Kereta Rasmi atau Kereta Khas Pegawai.

2. Kerajaan mengambil keputusan melarang pembelian kereta-kereta yang diimpot adalah bertujuan bagi menjimatkan pertukaran wang asing. Selain dari itu Kerajaan berharap dapat membantu perusahaan kereta-kereta buatan tempatan atau dipasang dalam negeri ini. Kereta-kereta impot ini juga biasanya amat mahal, mempunyai kos penyelenggaraan yang tinggi dan amat sukar untuk diperbaiki apabila rosak.

3. Larangan ini meliputi pembelian Kerajaan Persekutuan, Negeri, Badan-Badan Berkanun, Kuasa-kuasa Tempatan dan Perbadanan-Perbadanan Awam Persekutuan dan Negeri.

4. Pekeliling ini adalah berkuatkuasa dengan sertamerta.

(TAN SRI THONG YAW HONG)
Ketua Setiausaha Perbendaharaan.